



04978

海日堂集卷之二

應南見山氏
後學黎士善訥木庵氏

南海程可則周量著

族孫 師義 男 平成 同校

士偉璜溪氏

七言古體 擬古樂府

舟中對梅花有感

江南二月春氣霏江花兩岸侵人衣誰家老樹梅
千片泠泠小玉流春輝折來白舫當牕見水色山
光共清淺閒把疏枝對曉晴猶有微香送人遠憶

海日堂集

詩之二

七言古

我去年行京華長安苦寒稀此花嶺頭相望不相
見今日逢之生歎嗟春色倚簾徒延佇家傍羅浮
未歸去身是東西南北人來歲花開我何處

金公絢宅觀古銅鼓歌

主人好古有奇尙銅鼓石琴兩相向琴聲泠然高
出雲鼓色斑斑莽難狀革形金面三尺餘土花駁
蝕光扶疏中藏太極僅盈寸六十四卦紛熒如瑠
璃線刻鴛鴦起波濤影立蛟龍夙摩挲蝌蚪有雙
頭髣髴熊羆無兩耳不知鼓制始何代或曰諸獠

與交趾蠻鄉此物以爲俗鑄成置酒邀鄰曲豪家
子弟金銀釵醉擊華堂聲陸續晉書諸僚並鑄銅
爲鼓初成懸庭中
置酒招同類有富豪子弟來者執金
銀釵扣鼓扣竟遺主人名納鼓釵 漢時老將伏

波軍改作驪驪獻紫宸至尊含笑親歎賞詔寘宣

德稱廷珍

漢書馬援征交趾得駱越銅鼓
改鑄馬式上之詔寘宣德殿門

一自滄

田變今古天下瑰奇復誰覩銀箏玳甲總飛塵王

馬銅駝亦黃土此鼓獨闐闐倚君花檻邊小扣已

令鬼神伏大扣將使曩宮蛟室夜半爭皇然鼓兮

鼓兮我欲以碑礪爲縣珊瑚作簾仍學馬援貢天

海日堂集

詩之二
二

七言古

子大聲逢逢震邊鄙雕題象寄測海水漁陽之鼙
永不

慈仁寺古松歌同汪茗文許天王王北山李

毗瞻王阮亭陳路若作

長安作客苦人事十丈軟紅大無謂適興聊借嵇

阮儔看松晚到慈仁寺入門便覺非人間大株小

株生層瀾天矯橫斜一十二如遊泰岱開奇觀詰

曲翠羽蓋盤擎碧雲端東者爲鳳舞西者爲虬蟠

又如猛虎搏獰獸忽似升阿連轡之猱猿其上去

天不盈尺高懸倒挂參差碧落日沈沈殿角寒濤
聲不動風烟白須臾素魄出虛空疏枝散影明向
東初看隱隱鱗甲露漸見霜毛鍊骨皆瓊瓏寺歷
金元四百載終朝桑海連天改上林春色等蕪沒
此樹蒼蒼閱人代嗚呼松兮爾生本在徂隸陰大
夫之爵羞羸秦胡爲失身遠巖壑迺與燕市爭風
塵我今醉爾酒一卮榮枯萬變無常期我欲與爾
棄塵跡及此明月長相隨卽今飲酒人六七安得
終宵無別離

海日堂集

詩之二

三

七言古

醉歌飲藁城高雪潭宅作

正月二日梅花香主人邀我登北堂瑠璃殘雪參
差光簾帷不動筵高張已覺薄暖生東皇屠蘇之
酒椒爲漿彈絲擘篴流宮商高者遏雲低繞梁如
慰遊子思故鄉賓主旣洽悅且康安得揮戈逢魯
陽上天直挽羲和韉玉繩繫春夜長與君燕樂
同未央

秋雨歎

我來恒山愛山色欲上山頭看未得秋雨連天秋

草繁閉戶不聞車馬喧獨倚閒窗理緇素南枝啞
啞烏棲暮山鬼吹燈攪醉眠欲寐不寐心茫然

枯井行輓王烈女

進士幼華之姊

邵陽城外有枯井輓轡汲斷青絲冷石甃何年瘞
玉釵至今駢駢飛寒影可憐白馬亂西川可憐髡
髮望韓原好風不散離鸞恨孤月難招寡鵠魂里
人弔此心骨驚里婦猶傳罵賊名井邊芳草年年
綠誰聽銀牀絡索聲

釣架泉歌呈許實軒中丞

海日堂集

詩之二

四

七言古

我家羅浮山之麓上有飛泉與驚瀑又嘗數過匡
廬峯中天水落青芙蓉只聞建瓴自高屋未見倒
與銀河通此泉何汪汪此水何浪浪陡然冰柱拔
地起皎若玉山迴立蓬壺方沙清石齒不盈寸洪
濤白浪爭低昂疑是陽侯仰天怒鑿破滄溟去風
雨驅令蜃蛤不敢藏坐遣鼉鼉向空舞又似昆明
習組練水犀一鼓師百萬白晝傳呼轉戰來左衝
右擊轟雷電上有仙人白玉京烟霞作室龍爲城
鐘鼓樓臺新夾道云是中丞開府不日之經營中

丞招我樓臺下魯酒吳歛致瀟灑耳畔不聞絲竹
聲橋邊但聽哀湍瀉君不見蓬萊水清淺不可測
又不見瞿塘三峽流奔涯赴壑江聲急海枯石泐
尙有時此水噴薄無休息共道中丞清且貧嶠然
不滓如斯泉我今醉弄溟渤去歸染紙上生雲烟
寄謝介長褐舍人

有序

壬寅三月予從燕京奉先大夫喪歸里介
子偕諸同舍送我城東門爲文以唁之復
作詩祖道予時方哀毀不復知其詞之悲

海日堂集

詩之二

五

七言古

也臨歧出吳統謂曰子別後相思其識之
此予受而藏之午日舟次清源撫節序之
如馳念良朋之遙阻慨然成咏錄以歸之
兼寄諸同舍云

苴履出門三月暮痛哭春風淚如注此時別子不
知愁魂銷未作江淹賦別來獨客向河洲洲上青
山人倚樓朝朝暮暮猿聲落不見當時金馬儔憶
昔同君上蘭殿爾我人中素心見謔浪無辭曼倩
饑狂歌欲唾侏儒面君才萬馬奔絕塵著作一出

如有神張生

青瑀蔡生餘

力與敵愧我薄劣非其倫

兩年日月同遷次離合中間我殊致去年擁傳出
青齊今年曳杖歸鄉里曳杖能令心骨悲何況與
君生別離卽看河上菖蒲綠正是年前飲餞時夕
陽平楚飛烟急相思萬里嗟何及三尺吳紕爲報
君知君讀罷還於邑張生蔡生倘過從爲語臨風
等相憶

村歸懷高望公

紙窗竹榻連宵語天地悠悠吾與汝我持釣艇還

海日堂集

詩之二

六

七言古

西谿君宿空堂獨誰侶寒林欲雪不雪天昏鴉已
歸未歸樹此時把子瑤華篇讀罷蒼涼自延佇

同邱曙戒王震生梁藥亭過海幢寺訪阿字

丹霞二師

阿公昨日一葦至語我山中近時事池荷花滿澹
師來好向山中採蓮子我別海幢四十日澹師契
濶情非一見語能令逸興飛看山便刺漁舸出漁
舸過海海不熱入門便覺荷香發澹師執手竟無

言但向青天指明月

題趙承旨擊鞠圖

有序

圖趙承旨作一工人服纓冠帶劔左右前後皆衛士騎驢執槊一毬委地衆槊趨之作挑擊狀按徐廣雜論有所謂擊鞠者以木爲毬騎而以杖擊之卽今之打毬也劉更生別錄又云擊鞠黃帝所作以練武士或曰起戰國本兵勢也作擊鞠歌

至元一幅鶯溪絹四尺不滿三尺餘翰林承旨頗好事繪取擊鞠爲斯圖不知王者是何代紫稜白

海日堂集

詩之二

七

七言古

面蒼蚪鬚手提青絲綠玉策據鞍顧盼神睢于左右布列盡猛士銜竿挾杖紛騎驢一毬委地不得掇四面擊者羣爭趨驢蹄驕蹴勢欲動激昂蹀躞精神殊我聞軒轅習武士沙蟲猿鶴皆前驅一擊能令力牧怒蚩尤涿鹿功皇如吁嗟王孫際龍戰繪此毋乃含歛歔方今海寓稱混一虎皮蓋藏金僕姑雲門旣奏泰階平有時較獵非兵符此圖不用示天下只合簡冊供清娛銜竿挾杖胡爲乎

郭熙山水歌爲盧中丞作

羣山崒崒空中起，萬樹微茫隔烟水。傑閣孤懸絕
巘，清流泉夾瀉。雙崖紫絕巘，雙崖不易窮。中有羽
客憑高松，聽瀑似臨三峽雨。看山欲到蓬萊宮，復
有虹梁雜蒼翠。千峯未了萬峯繼，誰抱朱絲下釣
船。滄波蕩漾心無繫，我昔曾攜五嶽圖。東游華注
西蒼梧，一自解蘭受塵縛。夢魂不得行清都，對此
恍然臥林麓。天地悠悠歸尺幅，宋時畫苑多知名。
好似河陽郭，生獨主人愛畫精。入神珍賞不異雙
南金，挂向烏臺之素壁。時有清風動玉琴。

海日堂集

詩之二
八

七言古

飛來寺次黃文裕公韻

混沌之剖何奇哉，滄溟東下南溟開。洪流此地束
一線，四時波撼聞風雷。草木陰陰糾盤互，陳跡千
年供指顧。禹陽已去葛仙歟，逝水流花等朝暮。何
寺飛來水一方，中天木落蒼松香。二十年來委蕪
沒，道士不見青霓裳。賢王智慧入三昧，太息仙蹤
宛然在金碧。重頰內府錢，複道層樓煥瞻對。放將
芥子收須彌，來往行人那得知。萬事不如邱壑好，
何必蹈海驂蛟螭。夕陽更挂青藤入蔚藍，過雨侵

衣溼竹院何妨半日閒方舟且緩王程急上堂已
覺心魂清鐘梵悠悠非世情半雲亭下黃金谷時
與瀑布相飛鳴復有海棠發瑤蕊龍湫抉出芝巖
髓絕頂寧辭冒雨行笑把塵纓向天洗嗟哉我生
胡太勞何時振衣千仞高家住西樵歸未得輒欲
此地餐松毛佇立徘徊竟遙夜長吟倚棹將心寫
戒旦忽聞舟子呼回頭勝蹟還虛無

題訶陵國人影子

挂豐頤兮挺廣額緣雕題兮結魑髮襲猊裘兮翬

海日堂集

詩之二
九

七言古

柔襃清臚熒熒美光澤禁昏返聽坐超忽皇然有
求如未獲聖人在位四海宅旅爨越雉遍重譯汝
從何年至京國逝當永作金門客嗚呼川無梁兮
雁無翼訶陵訶陵不可卽慎勿遠思過邛夔夜半
風雨愁顏色

廬山篇送米紫來之南康兼寄石鑑師

廬山之高不可極千巖萬壑紛鈎連匡君結茅去
千載至今石洞猶依然黃猿白鶴有時下青蒲紫
草長相鮮我嘗舍舟上星渚荷篠直至棲賢泉虹

梁竊窈跨絕壁玉峽鏗鉤聞鷓絃我師石鑑住其上
四時鐘磬鳴空天筵前數見雨花落鉢中宛有蛟
龍眠一自風塵返京闕三載魂夢徒拘牽送君
佐郡此山下百城雉堞生雲烟訟庭吐納會不盡
行春直放彭蠡船等閒試訪我師去齋堂弼鼓勞
周旋野人瞻望類弗及相思一和廬山篇

長歌送李劬菴之廉州

李侯意氣何激昂手摘星辰分天囊高文峻譽馳
八荒管以金縷獻明光天子左个臨青陽親提玉

海日堂集

詩之二
十

七言古

尺量短長顧謂汝慈膂力剛經營四方民之望我
時附君稱雁行論文擊劍殊徜徉燈炮酒盡樂未
央無何君官瀛海旁思而不見如參商日月易邁
經幾霜君今拜命趨炎疆是我故地維桑爲君
長歌歌其詳廉山之山蕭且涼大海闌之聲湯湯
溪澤黝黑龍蛇藏居人比戶惟葦房頻年金饑兼
木穰女無織紡男無糶還事丁作憂櫬槍君行只
宜法三章慎率所司皆循良民亦勞止汜小康期
年報政歸朝堂長安有酒余能將人生遇合本難

量嗚呼歌兮毋相忘

送鄧偶樵之常德

聞君弭節楚江去，楚水連天滿江樹。置酒臨堂空
復情，日暮不來徒延佇。夜半忽聞車馬聲，裳衣倒
著歡相迎。有燭旣跋還復秉，有酒旣盡還復傾。扣
壺擊鉢漏苦短，膈膈膊膊雞初鳴。長安送客等閒
事，今夕送君思難已。一曲狂歌易白頭，無限離情
赴湘水。

送錢礎日同周霖公督學之山左

海日堂集

詩之二
十一

七言古

錢郎江上文章彥，鼓瑟湘靈人不見。一攜錦字臨
燕臺，好手千夫萬夫羨。五侯七貴何紛紛，執鞭爭
過夷陵門。淮南周子最莫逆，鋒車並載東其轅。轅
蹄旦發不肯住，九點齊州我游處。好凌日觀摩蒼
穹，更指蓬萊泛烟霧。知君吟眺筆有神，况復周子
才清新。濯纓湖畔歌相答，爲記當時蕩槩人。

送邵橫菴之秦中

五月火雲燒幽州，大風驅之雲不流。昨夜雨來不
盈掌，山鬼叫嘯農爲愁。遠聞秦中黑霜下，化作蚩

蠅飛滿野秦人瘠畏越人視君今西去胡爲者道
是終南山色佳四時衆壑鳴風雷蓮花百丈青照
眼騎龍直上昇僊臺君家昔日東陵老種瓜却解
塵纓早我欲隨君問故侯何由共踏青門道

送高西崖令東莞

送客出門三月暮條風拂拂旗亭路北雁南雲望
已遙送君轉憶逢君處廿載邗溝大道邊公車並
出俱少年辛卯冬西崖與予
自揚州同路北上君著紫袍錦覆首綠
琴却挂青童肩我乘短犢亦快意板橋茅店相周

海日堂集

詩之二
十二

七言古

旋一自風塵各奔走白眼高歌別離後君臥漳南
閱幾春著書日探羣經藪西崖新著有
十三經序論學優則仕
非等閒竭來謁帝承明間驅車向我炎陬去剖

竹遙臨黃木灣黃木灣頭海水飛近來遷海多流
離水田涸盡香樹亦憑君一雨蘇瘡痍古人窮經
必有用不爾章句將奚爲愧我閒曹空獲落秋雨
秋風感離索長憶當時並轡歡思君此去心如昨

題八十翁朱完畫草蟲冊子

天地爲爐萬物銅九州鑄錯稱元工飛潛動植各

有類袞袞消息無終窮四靈之畜三百六洪纖曠
古分鴻濛小知大年不可知彼蚩蚩者寧二蟲何
人丹青爲此圖生趣慘澹經營中半塘鱗羽自趨
躍四序山花相映紅會合陰陽妙殊契補綴造化
天無功聖人一出茂作覩百昌萬彙歸昭融我欲
攜之獻明堂如觀物理陳幽風此翁點染得無意
無從几榻娛清供

寄朱秋崖

昔年與君結襟期以膠投漆誰能知頌酒彈琴互

海日堂集

詩之二

十三

七言古

朝夕披帷索笑無猜疑去年君來燕市間十日不
一瞻容顏嵇康旣懶孟六病杖履豈能長追攀別
來始覺嬰懷抱相思夜夜邗溝道梅花縱發春雁
稀江天極目憐芳草京雒風塵瀕洞深眼前交態
多黃金憶爾環谿最幽絕水竹蕭蕭何處尋

送楊鄂州職方使安南

時安南國王黎維禱稱兵攻取都統使莫

元青高平祿山等州地元青亾匿廣西之

南寧事聞遣兵部職方司主事楊兆傑翰

林侍讀李仙根奉 詔往諭之

皇帝在位閱七載九州四海歌太平烏弋黃支受
漢朔旅燧越雉來周京安南君長處炎徼北面久
已諭忠誠前年 璽書予封爵吾宗學士

立菴兄
芳朝

會南征歸來陳風對宣室爲言此地無兵爭鸚鵡
魚遊浪泊水菴羅果熟安陽城今年羽書忽馳至
族類不合仇相傾蠻王興制畧下邑都尉瑣尾投
昆明憑陵三郡勢莫敵女無緜繭男無耕觸蠻之
鬪豈足計祇憐蹈躡憂蒼生相如喻蜀有往事

海日堂集

詩之二
十四

七言古

詔旨特簡才臣行楊君堂堂起三楚鬢蒼如戟雙
瞳晶昔年執法昆彌道近勦九伐尤崢嶸大臣推
轂立召見 至尊御殿親書名 天語殷勤勞四
牡一時氣象搖公卿雙旌翹翹出北關八座赫赫
過南荆乘秋直下交州郡雕題負弩遙相迎憑君
片言諭大義調和二氏無佳兵功成上書報
天子不用京觀封長鯨伏波銅柱邈千歲壯哉與
爾同英聲遠遊萬里古所羨局促轅下將何成

送魏子存視學楚中

燕市風流易雲散青郊繫馬垂楊畔日日題詩贈

別離朝朝倚樹心零亂鄢陵初去潁川還

日緝澤公賦

州苦唵常閉關

說巖

何事君今又南下楚水悠悠襄

漢間襄漢悠悠隔烟霧是君巴蜀來時路庾亮樓

前花正深鄂王城下春將暮君去論文正此時澧

蘭沅芷流春姿臨臬會見衡陽雁好折芳馨遺所

思

送戴務旃之蘭州

去年送君華山去一杖冥冥入烟霧自寫真圖篋

海日堂集

詩之二十五

七言古

底歸今來又指蘭州路歎君馬首何太頻天都白

石情相親卽今大雪滿天地猶作騎驢行路人

送族孫禹門成進士歸雲間

五月六月榴火紅千里萬里生炎風已乘炎風上

閩闔却騎白馬歸吳淞汝昔讀書泖湖畔志氣迥

立青霄虹比來京師入太學手披石鼓窺鴻濛愛

汝才大心復小問道不羞曠與聾去年舍我西廡

下商歌聲出茅茨中奇文欣賞共晨夕金刀玉錯

相磨礪劃然天鼓敞瑤闕遂奮健翮摩蒼穹方今

世人事聳悅汝振大雅聲黃鐘似茲清廟球圖器
自合給札持升銅胡爲循資縮墨綬復爾需次還
江東天生汝才必有用古人績學寧終窮桓榮稽
古被章服仲蔚沒齒非蒿蓬無然簪組易藜藿憶
昔襁褓今車庸老夫望眼有殊慰豈獨丹牒輝吾
宗暫賦河梁勿惆悵一路看雲到九峯

七月十五夜與彭古晉蔡竹濤對月作

我有亭中槐皎月流光輝交枝接葉亂清影穿簾
入幕何熹微是時閉戶羣動息好友相過情依依

海日堂集

詩之二
十六

七言古

彈碁呼酒縱談笑科頭箕踞渾忘機人生會合能
幾時曜靈急節鳥亂飛今夕何夕休言歸與君相
賞無相違君不見秋色纔過十五日已覺白露侵
人衣

焦螟道士歌

天地草昧開鴻濛焦螟道士生關東手提七星八
寶劍雪花照耀青芙蓉有時上山縛魑魅有時入
水刺蛟龍神明直與二氣合呼噏恍與靈臺通輜
輶雲起隨所至東臨太乙西崆峒場來京師憩鸞

鶴五侯七貴爭相從，矯如廣成下無極。幻若古丈
賓秦宮，談諧間洩陰陽祕。爛柯且復漁樵同，我家
羅浮衆僊麓。鮑姑蛟蝶艱相逢，黃金不鑄古冶子。
白髮荏苒羞青童，安能隨君綠玉策。石壇翠壁餐
芝松陵遲倒景，入昧谷軟塵十丈將焉窮。

送荅文歸長洲爲其先人營葬

君從白下來，木葉已微落。西風金馬門，朝衣幾迴
著。悠然思舊鄉，遂賦還山作。掉頭不爲滄洲趣，欲
買吳山種松樹。罔極長懷陟岵恩，一坏覓取眠牛

海日堂集

詩之二
十七

七言古

處嗟哉，世人重簪紱。頭童齒豁違鄉邑，生有高堂
教倚門。歟應誓墓看叢棘，請君寶此千金軀。半日
村前樂有餘，百年封樹裏已畢。早晚寄我山中書，
我亦南帆欲歸者。首邱夢繞滄谿下，先大夫葬處日滄谿送
君壹鬱爲此吟。豈獨離歌淚盈把。

十峯草堂歌爲錢礎日作

錢郎家傍九峯住，請我爲作十峯歌。自言九峯勢
不足，增置其一良非多。我嘗放舸梁溪下，翠微歷
亂垂青螺。峯峯羅立可指數，撐天拔地形嵯峨。忽

然風雨下絕壁夜半疑有神鬼過恨不移家向峯
頂獨寐永矢軸與適君家草堂何巖業開簾列岫
肩相摩奇文萬文發光焰劃然長嘯揮天戈會須
一覽衆山小俯眎崩勞成陂陀何不吞吐若雲夢
斫却虧蔽尋斧柯兀然自署一峯子特立萬古無
依阿九峯九峯柰爾何

送李武曾遊武夷

前年送君白門行門前楊柳青堪憶易水重來能
幾時春帆又指無諸國問君何爲苦好游讀書萬

海日堂集

詩之二
十八

七言古

卷輕王侯浩然吞吐在雲夢塊爾笑傲凌滄洲乘
興何論天近遠武夷山遠崇安縣三十六峯峯盡
奇九曲溪流白如練當時公子號神僊藥竈丹房
眼中見海水紛飛自昔時山川氣象須臾變幔亭
玉女俱寂寞需君詠眺開生面吁嗟乎男兒生不
營名與鷺利碧水丹山隨所至會須一覽窮八荒
東極無桑西濛汜安能跼蹐若轅駒老食窗間蠹
魚字灌園有弟供白頭布襪青鞋是君事軟紅十
丈東華塵似我真足匏瓜人何能隨君玉清洞同

看桃花萬樹春

吳漁山爲余作營邱早雪圖歌以贈之

漁山山人不出山，竭來燕市仍鍵關。松枝塵柄自
怡悅，爲我泚筆開心顏。鶯溪一幅營邱似，積素凝
寒半江水。長條到地凍欲盡，有客孤舟去如駛。蘆
葉蕭蕭風亂飛，千山翠色局斜暉。此翁掉頭若解
事，天地已閉人當歸。偶然訪戴意，亦適歲寒蘭芷
應須惜。多謝山人冰雪心，挂帆好向羅浮宅。

賣船行

爲施愚山參議作

海日堂集

詩之二
十九

七言古

湖西使君清無比，一官但飲湖西水。湖西之水清
粼粼，照見使君亦如此。使君初到湖西時，千里百
里紛瘡痍。使君掌上作霖雨，調和二郡無嗟咨。幾
年教訓兼生聚，只有官貧尙如故。政成不賸買山
錢，日歸且賣扁舟去。君不見世人作吏徒碌碌，衣
馬輕肥及僮僕。管取干航捆載歸，那知一路吞聲
哭。歸來治湖還治山，山水全移几案間。藏春屋傍
芙蓉塢，載酒人過楊柳灣。轉眼桑田不相假，荒臺
絕磴哀湍瀉。父老徒傳虎政名，兒孫半是鶉衣者。

羨君官貧百不憂愛君身閒能遠遊卽今惠聲滿
江楚賣船豈曰非良謀重尋一葉乖竿去與爾散
髮凌滄洲

雪後從安肅至慶都行九十里日猶未暮

昨夜雪花大如掌朔風吹我衣裘單村鼓沈沈不
得息四肢僵餓憂眠餐簡書之勤旣可畏道路况
怯青天難今晨背郭大晴霽東方日出如紅丸照
見平疇委殘素晃若金闕明琅玕又如銀宮列寶
炬珊瑚影落鮫珠盤土枯氣降泥不滑車馳馬驟
無蹢躅望都雲樹不百里到城返照懸天端城邊
再拜古陶廟衣冠輝赫欽心顏同人嚮爰爲具食
爛醉不覺嚴風寒天地晴晦理則爾人事往復多
循環今夕何夕且爲樂明日出門何足歎

由柏井驛達壽陽風日陰翳山川寂寥悵然

有歎

今日何遑迴五里如十里道路阻且長行行不得
止空濛已雪未雪天重疊千山萬山裏半日不聞
車馬喧村邊老人閉柴門寒禽擇木不肯下陰風

海日堂集

詩之二
二十

七言古

獵獵如啼猿僕夫跋前復蹶後前旌十步九回首
似將落日指行人無計停驂問芻酒憑軒極目發
微吟歲晚蕭條遊子心殷勤想像春歸日一路晴
光滿綠岑

送宋荔裳觀察入蜀

長安六月暑不惡五風十雨連朝作河上青籠草
色深城頭翠逆山光落斐几湘簾晚漸涼正好知
交共盤薄不記年前把臂時瓠瓜翦韭歡如昨一
載風流散似雲驪駒又見辭京雜送君何處荆門

海日堂集

詩之二
二十一

七言古

船去去蒲荒白露天西風遠泊漢陽樹候館徐聽
蜀國絃一路秋花照容鬢題詩直造峩峩巔由來
此地相如後巴僮夔女人今傳使君文采無乃似
况復經濟宏相宣燕秦楚越半天下如膏濺澤盈
春田卽今執法在掌上萬人之命如絲懸就中毫
末異千里看君已事誠心酸仁人一出補造化達
士布德當承權蜀人蜀人昔可憐瘡痍廿載愁烽
烟桐花鳳去閬州苑薛濤箋盡成都泉君到不復
憂生全手提錦江古春色擲還六衛諸番前文翁

化俗僅一郡李冰鑿道殊彣彣吾儕相望豈徒爾
臨歧不唱陽關篇

送李召林侍御出宰信宜

丈夫生既身爲天子使崇卑內外惟所以手持三
尺青芙蓉不遇盤根等閒耳君不見尹何有美錦
士元亦百里又不見君山出尉安陵城子充下佐
耶溪水龍蛇變化古無端何必今人不如此李侯
命世才讀書抱經濟一登金華省遂灑蒼生涕玉
局曾傳擲地聲鐵冠直聳摩天勢曉袖熙寧牘宵

海日堂集

詩之二
二十二

七言古

埋洛水輪雪霜入掌螟螣歟鷹隼抗羽豺狼嗔豺
狼嗔鸞鳳舞螟螣歟嘉穀布天子旌汝能詔汝親
民去民瘠民勞是粵州蕭騷况指高涼路高涼乃
在祝融之府浮來之宮居人戊日爲秦臘句欄士
女紛相從一自海水飛上天石牀滅沒銅魚空憑
君泰岱爲雲手雨彼赤土生疲癯功成上書報九
重鋒車再入蘭臺中昔年奏對但紙上今見緯繡
親哀鴻李侯李侯萬里之行實快意莫怨東郊楊

柳風

題李相如畫像

蒼髯白面丰紫稜秋水爲神方瞳晴祝融之司誕
厥英手搏日月割蝮鯨少年結束西南征軍裝鞅
韜遊昆明賢王敕使負弩迎上書魏闕揚休聲何
以庸之浪穹城女勤縑繭男歸耕鬱林載石韞斧
輕荷衣蕙帶初服成榻來侍從登神京宮闕峩峩
忘世榮彈琴擊筑歌鏗旬寶金石軀煉流形餐芝
茹尤瑩金精安養五烝得長生俯跡一切皆塵纓
嗚呼俯跡一切皆塵纓

海日堂集

詩之二
二十三

七言古

臨清子君臨刺史招飲使院憶先大夫曾憩
此

扁舟晚渡臨清聞主人置酒涼風颭使院沈沈午
漏微銀箏玳管清歌答主人愛客情不疲客心耿
耿憶當時今皇踐祚重孝治龍綃捧出來青緇
東方諸侯拜稽首父老扶杖觀威儀其時先子攜
家至青簾白舫停關次相見相依比院來絲竹聲
中語離思一命親呈鳳檢恩後堂笑著斑衣戲十
三年來人事改靈椿不見高松在未解塵纓返故

山常憶承歡過東海今日重經驛館秋對酒不飲
心悠悠主人那得知其故况復與子增離憂

南池李白酒樓放歌

南池之水清湜湜荷葉荷花淨如拭上有青蓮舊
酒樓曠代風流宛顏色天生白也是仙才會當早
應承明直何事金鑿被詔遲接離倒著徂徠側爛
醉不辭丞相嗔酣歌但許知章識樓上樓前嶽影
橫長嘯一聲天地窄嗚呼人生有酒消百憂人生
晝短須夜遊可憐鬢髮事塵鞅轉眼白盡公卿頭
海日堂集

詩之二
二十四

七言古

不如滿引百千斛一醉可以凌滄洲騎鯨捉月非
狡獪青山牛渚空悠悠君不見沈香亭子久寂寞
酒樓截業今如昨

羅浮歌寄贈姚千子

我家西樵麓卻望扶胥東羅浮靈氣蘊萬仞翕闢
造化爭鴻濛名峯四百三十二峯峯突兀青芙蓉
翠微深鎖召鸞鶴青天亂落蛟龍萬壑層巖種
芝林千章古木羅青蔥一從葛令騎白鹿石牀丹
竈朱霞封千年羽衣化蝴蝶如車似蓋紛摩空側

聞靈粹鍾懿哲奇文萬軸蟠心胷
揆天作賦獻三禮珥筆直上蓬萊宮
滄桑變易忽旦暮閉門但煮青溪菘
年周髀歷氣逾壯道貌炯炯雙方瞳
我懷神山久延佇因君想像丹青中
安能及爾乘風跨絕頂鐵橋華首遙
相從嗚呼鐵橋華首終相從

張志和釣臺歌

開闢以來釣魚者渭濱厥數呂公望
漢家國士飯不充垂竿亦在長淮上
一從挾策事天子撇却絲緡取卿相
我登西塞山却憶張子同棄組金馬門
海日堂集

詩之二
二十五

七言古

自矜河上翁其時靈武方踐祚卿雲復
巨人相從參軍待詔旣漸致錫名冊府
恩暉隆

張本名龜齡
肅宗賜今名

胡爲著書愛莊列珊瑚樹拂烟波中
浚渠執畚亦狡獪布裘椶屨何從容
越州郡元真坊椽棟不斲

龍爲藏回軒巷大夫橋漁菴蟹舍常招
邀閭須扶

蘇世所羨以帝之賜爲漁樵

唐書載帝嘗賜奴婢
各一志和配爲夫婦

號漁童
樵青

四海雲霞雙蠟屐偶來便作湘江客
釣罷時陳水上嬉酒酣更擬山中笛
生憎四皓定皇儲

歎向十洲註僊籍君不見嚴子陵故人
長謝眠鷗

汀又不見漢陰丈志機自愛澄江漾人生適志貴
不移眼前屠釣將何爲英雄矢志亦徒爾山高水
長無盡時

樂府體

隴頭水

隴頭流水其聲湯湯念彼征人飲馬道旁秦山間
之何時故鄉

隴頭流水其流不竭北風朝號層冰夜裂十步九
迴羊腸淚血不有死生敢傷離別

海日堂集

詩之二
二十六

古樂府

江南弄七曲

此梁天監十一年製也與上雲樂十四曲

同體後沈休文作趙瑟秦箏陽春朝雲四

曲亦曰江南弄而音節小變今擬其初者

江南三月春花飛花香簇簇遊人衣連鑣並舸歡

未歸歡未歸晨鐘發舞官衙弄明月

江南曲

桃葉踏歌不肯住笑挽諸姨吹笛去笛聲繞梁怨

如訴怨如訴春思生折楊柳爲誰情

龍笛曲

盧家少婦雙明璫蘭橈桂檝浮金塘擎荷作蓋芳

襲裳芳襲裳清風起採蓮歸獻君子

採蓮曲

綵樓簫史不勝春玉笙金管鳴向晨嬌音激促流
朱脣流朱脣迎鳳舞妾有情爲君譜

鳳笙曲

采菱采菱秋水靜戲插菱花照溪影香風雜逕羅
衣冷羅衣冷棹遲遲折芳馨遺所思

采菱曲

三條九陌七香車玉釵珠釧連狹斜夜深還入五

侯家五侯家黃金屋歌一聲酒千斛

遊女曲

巫山之高雲千尺張樂陽臺宴行客美人珊珊不
可卽不可卽空徘徊巫山高何時來

朝雲曲

海日堂集

詩之二
二十七

古樂府

清溪小姑曲

清溪白如練小姑情婉變願因溪水清照郎意深
淺

苦熱行

南風炎炎冒廣野祝融司天騎赤馬五七之際火
爲王三足神烏鞭不下宮中聖人罷虞韶陌上千
夫汗流赭安得爲霖變大冶

冰車行

泥滑滑車簸簸長河積冰冰成陸百尺柔絲穿地

軸輪轆不用三十六捨舟易輿輿不脫大車小車
不如冰車速泥活活車鞦韆安驅負重無颺塵昔
歌獨漉篇水深能殺人大車小車不如冰車仁嗚
呼公無渡河公今渡河蛟龍旣蟄得過且過安得
大地無頽波適彼四海平且和

挾瑟歌

春風嫋嫋來空房牀前明月參差光耿耿不寐心
彷徨起彈瑤瑟陳清商曲不成兮淚如雨白馬青
絲杳何處獨倚銀缸背人語

海日堂集

詩之二
二十八

古樂府

烏生八九子

烏生八九子本在南山巔乳少不得哺飛鳴秦樹
間誰家遊俠者挾彈相周旋一彈一雛落再彈雙
雛捐連雲八九彈子母俱摧殘羽毛紛委地魂魄
飛上天嗟彼遊俠兒狼戾安足言彼烏獨何爲擇
木昧所遷不見冥飛鴻弋人無慕焉

烏棲曲

八月九月黃葉飛涼風蕭瑟吹人衣烏棲城上聲
斷絕誰家搗練碓未歇遙聞夫壻渡金河中夜啞

嗟哀情多東方不明可奈何

君子有所思行

峩峩郭外寺金碧高照天焜耀者誰子中有芻靈
懸總幃結文綺光輝被几筵絲竹列堂下旌檠羅
兩邊生平玩好具一一皆陳前往來素衣客車馬
紛喧闐富貴洵有異生歿皆炳然生亦何足羨歿
亦何足憐一身等棄捐遑實其他焉白日沒有時
古木生寒烟昔人重明德速朽名亦傳

鞠歌行

海日堂集

詩之二
二十九

古樂府

懷公安武陵二夫子也

楚山高楚雲深美人不見愁人心歌古調彈素琴
鍾期已沒無知音山鬼嘯江猿吟謠詠詛余以善
淫芙蓉露蒞蘭襟我所思兮湘之溇邈千載誰能
任天荒地老徒至今

離親詠

炎方夏熱地則爾未若今年慘如燬草焦木爛生
意盡牛喘馬瘡道邊歿祁寒暑雨有常度四海已
無軌天紀何事愆陽乃如此

五雜組

五雜組江頭石往復還車馬客何時已歲將逼

長相思

懷王阮亭也

君不見廣陵八月濤聲發千家萬家美溟渤綠水
紅橋艷舞人楚袖吳歌對明月對明月來何遲此
時懷君君不知

海日堂集

詩之二
三十

古樂府

海日堂集卷之三

應南見山氏

南海程可則周量著

後學黎

訥木庵氏

族孫

師義

男

平成

同校

士偉璜溪氏

五言近體

登九成臺

我來韶石上不復見彈琴帝世何能再荒臺獨至
今雜花開古陌一鳥下寒林歲晚人煙少歌風懷
好音

海日堂集

詩之三

五言律

采石磯懷李白

牛渚江心石長懸漁父磯騎鯨人已去獨鳥暮還
飛明月自今古青山無是非青山太白葬處空餘高詠在
不見錦袍歸

廣陵別朱監師同陳美公作

何當同驛路把酒送歸人三歎不能別離歌爲爾
陳青天邗浦月芳草薊門春兩地勞相憶迢迢車
馬塵

燕京雜興

歲艱丹鳳闕，嶽嶽黃金臺。地接居庸險，天從滄海迴。
颯風雲開萬戶圖，會應三台信。有垂衣日，車書象
寄來。
貢使朝鮮至，蒼茫海國東。遙遙箕叔胄，秩秩漢臣
風。白馬賓何早，元纁賜已豐。年年奉朝請，不與萬
方同。

二月春田好，離宮帳殿開。千官馴象苑，萬騎晾鷹
臺。電轉旌旗合，弓鳴雉兔來。上林多侍從，若箇子
雲才。

海日堂集

詩之三

五言律

吹角下城闐，金羈白馬馴。懸知珥貂將，多是渡江
人。左語通南服，文衣減朔塵。中原好風物，不數玉
門春。

紺宇鬱青蒼，離離天主堂。五雲花作棟，七寶玉爲
梁。奇字鳩摩譯，殊香鶴蓋翔。言能辨星緯，測海遠
來王。

報國金元寺，雙松夾殿門。樓臺裊雲氣，風雨長龍
孫。朔望千家市，琅玕百寶存。遊車爭倚疊，洗鉢與

誰論

極目西山上雲霞色萬重插天形踞虎赴闕勢從
龍積翠晴看雨凝寒夏亦冬先朝陵寢近松柏至
今濃

中使出天官天書降紫鸞爲憐羈白髮姑遣賜黃
冠忽易泥金詔還歸執玉壇聖明恩不細莫漫憶
漁竿

聞說司天正殷憂上玉堂黃封占異讖黑氣裏文
昌吾道應難問天心詎可忘抱書終擬達肯製芟
荷裳

海日堂集

詩之三

五言律

金魚池屢到勝地有名園柳色春常鎖菱歌晚更
喧香車臨水駐僊袂逐風翻借得聲華盛來招旅
客魂

京國無朝暮三衢樂事多綠楊人繫馬紫陌夜鳴
珂銅蓋敲冰賣銀鐙載酒過西河好顏色乘興一

聽歌

西域僧殊異黃衫布裹頭常騎白馬出別作赤松
遊居處疑三島威神卽十洲有人來問道何必諱

樵牛

黃金臺未沒此日復燕昭不謂慚當世無端負聖
朝孤鶻徒自棄桂樹好誰招歸向南山去空悲雲
漢遙

夜來恆不寐孤枕聽鶯聲爲客逢春盡懷家見月
明塞長鴻斷夢天遠樹含情縹緲白雲外徒勞思
帝京

初下張灣卻寄陳美公

朝來猶帝里薄暮已他鄉與子一揮手臨流空斷
腸孤烟浮水影獨雁下秋光漸覺逢搖落其如歸
海日堂集

詩之三
四

五言律

路長

晚次安陵驛

歸路知何極斜陽且繫船落霞明古驛秋水滿前
川雁羽紛南下漁歌自渺然無人問羈旅愁坐向
江天

二賢祠

澹臺滅明
董仲舒

二賢祠廟在遺像肅宗工時代有先後風流無異
同上書文未墜投璧劍猶雄俎豆隨荒草離離江

水東

舟晚

迴舟轉清澳落日照前岑水送一天遠雲歸衆壑
陰蟲聲喧極浦人語靜疎林寂寞河干客悠悠行
路心

毘陵道中憶家大人誕日

十月毘陵道臨風念老親豈知懸矢日猶隔舞衣
人時事憂方大歸期夢未真平安雖有報雙鬢已
如銀

吳門謁陸晚菴先生

海日堂集

詩之三
五

五言律

一從違杖履不復見魚鴻家國蒼茫外風塵感慨
中入門慙落羽酌酒慰飄蓬惆悵吳江暮孤舟又
向東

江上逢潘鐵菴

知己逢天末飄飄各自憐幾時辭故里何處尙烽
烟殘月孤舟外寒江古驛前明朝揮手別悵望嶺
雲邊

江上懷美公

斜日明歸雁空江憶故人昔年經雨雪此地共風

塵失路吾誰偶論交爾最真一從過歲晏芳芷不成春

送靈上人之廬山

片雲辭粵嶠孤鶴向湓城自有名山契能將客路輕杯浮彭蠡闔衣浣瀑泉清未覺勞生夢飄飄媿爾行

送徐庾清錢柏園歸越

良晤每難永歲寒人盡歸誰憐故鄉子獨採南山薇把酒不終夕浩歌徒攬衣無能挽舟楫惻惻對

海日堂集

詩之三
六

五言律

斜暉

送朱舜音子舉兄弟還錫山

四月暑還輕南船正好行惠風隨雨過江芷帶潮生送爾鵲鴿去其如雲樹情夕陽聞折柳淒切不成聲

鳳城逢杜仍璞

亂後嗟誰在逢君驚此時短衣猶似昔長劍復奚之髮自何年白家於幾處移殷勤命尊酒沉醉不須辭

烈婦詠

烈婦程氏南海官窰村人黃天來文學妻也癸巳秋九月從石門避亂渡江過寇不辱赴水死嗚呼可以風矣

天下皆巾幗堅操獨爾完海門無渡虎塵鏡不歸
鸞九月黃花暗三洲白石寒誰爲弔形影竹上淚
痕丹

東張穆之

濁世安所適煙霞君自深
海日堂集
詩之三
七
五言律

吟劍拂秋雲氣珠懸明月心有才無不可相與笑
搥琴

秋風

涼飈起閭闔日夕委寒林
陰送雲連雁斷吹樹得龍吟
子心

秋漢

一泓淼何極清淺路迢迢天若分秋塹
潮誰言機有石不信鵲能橋安得成都客相從問

次寥

秋雁

卻欲投何處
悠悠暮雨飛
多因避
增繳似欲惜
毛衣楚塞烽
煙接秦川
消息稀
秋原菰米熟
南浦幾時歸

秋螢

微生隨腐草
昭質鑒前墀
在物爲符采
與秋同盛衰
光能供獨照
隱不畏人知
多少營營者
清暉難

汝期

海日堂集

詩之三
八

五言律

寒食省墓

寒食春郊路
春雲覆短亭
環山征戰後
芳草不曾青
蘋藻此方薦
杖藜難重經
遼東有歸鶴
哀唳下重冥

將之武夷書茗柯齋壁

端居苦岑寂
結想懷滄洲
漫理三山檝
言追五嶽遊
未能違白髮
安敢戀丹邱
歲暮吾將返
田園且自秋

曹溪呈大休和尚

旅客雙江夢名山信宿期白雲餘眷戀明月記箴
規大道非無岸吾生洵有涯奚能俟婚嫁慚愧老
人知

韶陽逢張萬青

經年不相見見爾湘江東別緒一時盡羈愁千里
同開帷鑒明月酌酒臨秋風無限河梁意蕭蕭落
葉中

凌江喜朱漣生竹菴同過

故山猶在目去路幾時休看竹雲歸寺攜琴客到

海日堂集

詩之三
九

五言律

樓微涼高館夕長嘯大江秋不學張平子關前詠
四愁

將出橫浦孫曉潮移酒過別

橫浦水陰陰如君誼共深薄遊人已倦惜別爾何
心緣醕遲殘日清歌調素琴不知揮手意雲樹在
高岑

虔州送朱竹菴遊吳

虞山君發速章水我行遲去住不相顧星霜那得
知高天雲斂後孤月雁來時倘值登臨處題詩寄

所思

他鄉

他鄉感搖落復此西風哀木葉一時下霜鴻千里
來望雲徒極目乘月獨登臺欲作悲秋賦空慚楚
客才

送周勿菴南歸

鬱孤臺下水盤曲送君行以子蓴鱸思深予去住
情秋山同驛路暮鳥獨歸程今夕紅亭酒難教唱
渭城

海日堂集

詩之三
十

五言律

九日登筆峯不果適文遠山人至

溪秋當驛路九日尙虔州亦有東籬興難尋北郭
遊高天無過雁微雨獨登樓恰喜山人至清尊散
旅愁

將之閩中謁寶應夫子不果畱虔州四閱月

歸次奉懷卻寄

本爲尋師出空然汗漫還蒯緱二水鏡馬驟三
山夫子憂王事諸生老客顏月明梅嶺外心遠柏

臺間

久客待陳美公副使不至歸次有懷

始下虔州日欣聞節鉞乘將期六年話盡向一宵
燈顧我思珠海傳君尙秣陵相須不相待惆悵欲
誰勝

久別思依依將逢復故違不緣霜路晚忍作嶺頭
歸往事頻回首還家獨掩扉願君策明德心邇會
從稀

新城

曉起過新城城邊古寺平尙無七里郭亦有五家

海日堂集

詩之三十一

五言律

兵茆屋從人入菑田任鳥耕還聞百夫長鞭弭及
諸生

歸舟示僕

且喜輕舠捷何妨垂橐貧詩篇聊自許僮僕莫相
嗔涉險眞如馬爭灘不忌人猿啼山盡處五日到
南津

觀音巖

絕巘一巖開峻嶒古佛臺重樓疑蜃氣清梵落漁
隈岸轉孤帆出鐘鳴暮雨來無能挂藤杖畱眼在

莓苔

寄呈袁特邱先生

夫子南還後經年獨此心
雁歸衡浦遠月落洞庭
深雪許何人立山應幾處尋
楚雲朝暮見不得到
湘陰

寄賈孚遠

自我還珠浦花飛又見新
山川記行役風雨隔伊
人只作離歌慣何曾遠
夢頻虔南有香艸采采爲
誰春

海日堂集

詩之三
十二

五言律

得張萬青書言自吳返虔兼欲歸晉卻有此

答

之子歎離羣音書到夕曛
近知還貢水遠欲泛河
汾姑射千峯雪梅關一片雲
只愁同塞雁不復度
秋分

送談遽懷學博之瓊南

舊侶已晨星驪歌此重聽
當杯見楊柳繫馬在津
亭髻入天隅白氊歸海角
青風濤春正闊珍重渡

南溟

寄博羅張登子生日

羅浮峯四百佳氣滿朱明地是神僊宅人兼吏隱
名彈琴答流水采藥餘青精何必乘槎去遙遙星
漢情

送解蘭石大行使還

十月皇華返梅花夏紫駟迢迢萬里道浩蕩寸心
愁世路盡萍梗故人還蒯緱如何此時別寒月浸
江樓

儲潭廟

海日堂集

詩之三
十三

五言律

古廟臨孤嶼靈潭控上游雲霞餘洞壑歲月幾松
楸四壁蛟龍氣中天烏雀愁翁河今有頌不必告
沈牛

江上

江上夕陽盡孤舟春水生遠山河滅沒寒月未分
明前路渺無際飛鴻相與鳴客心視星漢耿耿到
殘更

早發

客舟貪利涉乘月出樅陽不辨魚龍宅微聞葭菼

香山城還擊柝漁父未鳴榔此際懷明發悠然水一方

汨羅望三閭大夫廟

往讀離騷作會憐澤畔吟山川過雨雪祠廟失登臨
江闊黃沙起天寒白日沈如何非賈誼流涕亦沾襟

辛苦江潭日飄零問卜居靈修終不悟芳草總愁予
浩蕩思公子嬋媛泣女嬃無人薦蘋芷猶見楚

江漁

海日堂集

詩之三十四

五言律

鳩茲元日東郭石公權部

涉江尋舊侶宿漿入新年鎖鑰臨官道鶯花動客船
春風牛渚月芳草秣陵烟去去戀攜手當歌益惘然

揚州路早發

正有還家夢荒鷄何處聲披衣起長歎殘月在前楹
童子語方覺主人告我行徘徊攬征轡肅肅寒風生

七夕飲吳蘭次中翰宅

鳴蟬初送夏烏鵲已填秋歲月他鄉迫星河獨夜
浮客心長北闕歸夢每南州賴有延陵子清尊散
旅愁

黃薛侯池館

秋色寒塘暮新亭古寺分水明青見樹山迴白過
雲拂檻聞花氣開簾倚夕曛最宜風露淨尊酒快
論文

送靈上人歸羅浮

羅浮僊窟宅四百玉芙蓉吾子今歸去棲遲第幾
海日堂集
詩之三
十五
五言律

峰雲霞天半落鸞鶴夜淡逢何日攜筇返同看萬
壑松

遙題友人別業

君買陵陽曲爲園好著書山川歸几席身世付遠
廬翦竹防朱檻畱鶯伴綺疏敬亭還在目何異灑
西居

將之中山畱別故人

木落雁南征羈人各遠行結交不終歲握手倍含
情歧路分南北天隅幾弟兄爲君唱楊柳淒斷不

成聲

欲去杯還把臨歧缺共彈非關行路苦多是別君
難海日黃沙暗山風白雁寒徒憐菊花節兩地背
人看

真定喜成近天至卽別

野寺羈栖日窮秋但閉門忽逢公子至駐馬欲黃
昏燈火蒼茫別襟期造次論無能挽遊鞅相與醉
平原

君來從魏博秋色幾時看十月恆山曉千林木葉

海日堂集

詩之三
十六

五言律

殘往來鄉國近心跡水雲寬應念滹沱客棲遲行
路難

槐陽別王縈叟明府

秋風已搖落匹馬尙槐城飄泊逢平子疏狂恕禰
衡如何今夕酒不盡古人情又向霜天別蕭蕭百
感生

雪

十載南天外深冬見汝難一從鄉國別兩度客中
看野寺少塵鞅空齋增暮寒登樓望蕭瑟高臥愧

袁安

低空全有態，入樹總無聲。獨此風塵客，淒其天地情。
凍雲連北極，孤鳥阻南征。莫漫罪前路，吾將赴棗城。

癭遙別周永公高雪潭諸子

何處可銷魂，癭遙北郭門。山川歧路酒，兩雪故人恩。
立馬此相送，含情無片言。祇餘清夢在，夜夜繞西軒。

訪張晦先侍御

海日堂集

詩之三十七

五言律

秋雨恆山路，欣過驄馬門。相逢認顏色，深語略寒溫。
尚有并州戀，能忘使者尊。一尊慰離索，沈醉復何言。

上谷道中

半年遊趙國，三月返都門。馬首何曾定，花時未敢論。
淡楊疏客路，斜日薄孤村。忽見春田外，何人自灌園。

晴

天意存羈旅，春山放早晴。乍看峰影出，真覺馬蹄

輕淺水流花過長亭問柳行好風吹不盡已是定
州城

同沈友聖王震生過張上若庶常寓齋限韻
春晚啼鶯歇天長到雁稀因君藜火暇遲我羽觴
飛初月浸庭幌和風生客衣六街鈴柝罷綦履欲
忘歸

謝爾元寓樓社集

上國羣公會高樓逸興新乾坤無我輩詩酒復何
人北里南音集朱顏綠醕頻夜分渾不厭斜月下

海日堂集

詩之三
十八

五言律

西鄰

過汪茗文聽劉公猷談蘇門之勝同王貽上

作

旅食不得意頻過比部廬因逢潁川客爲語行山
居水竹家家遶田園處處鋤好攜妻子去共挽鹿
門車

行山千萬疊迤邐出中原地湧百泉秀峰臨衆壑
尊人煙藏楚室秋色抱淇園爲憶孫登宅嘯臺今

尚存

遙題孫北海先生退谷山房

太行山不斷遙接鳳城西
合沓千峰出透迤一逕
迷亭臺無遠近雲水與高低
隨意春風起飄飄信
杖藜

還聞谷口寺北枕木蘭陀石路鳥同入松房僧共
過坐臨流水靜行踏落花多
自著名山業無勞製
芟荷

劉公猷至彈琴

閉門理幽獨日落空齋陰
客子此時至青天鳴素

海日堂集

詩之三十九

五言律

琴松風生萬壑人語靜疏林不復知
燕市悠然山水心

訓王十一貽上見寄

河橋一相送春色已平林
正有歲時感能忘風雨
心曉雲籠別路芳草見離吟
寂寂燕臺下懷君灤
水澗

送李方思赴南寧

聞君赴遠遊匹馬向邕州
水湧靈犀疾峰回石燕
愁伏波銅未沒秦觀樹仍畱
鈴閣如登眺題詩及

早秋

莫謂蠻疆僻而兼瘠土貧君懷元澹泊民俗轉淳
淳草木歲時熱山川戰伐新相期慎眠食爲惠嶺
南人

東陳路若

故鄉不可見苦憶故鄉人何事同遊處難期笑語
頻芷蘭當晏歲梅柳欲先春玉趾煩相過無辭漉
酒巾

攬鏡

海日堂集

詩之三
二十

五言律

朝來愴然歎攬鏡意多違白髮此時見青山何日
歸浮生淹鳳閣多病負漁磯況憶高堂暮秋冬消
息稀

讀家大人所寄詩悵然有感

四年縈別夢一夕感離吟長路江天闊空庭歲月
淡居貧違服食移疾廢登臨開篋頻沾臆孤燈寒
照心

近得遷流信卑棲到鳳城

順德城名

提攜空婦子洽比

有諸生

謂陶苦子

海嶽還多事山田未播耕卽今傷歲

暮淡負倚門情

別劉宓城大行使粵西

及爾趨王事連鑣出五雲
雞聲纔信宿馬首忽離
羣沅浦乘秋下灘江踰嶺分
故山吾咫尺惆悵不
同君

新昌使院懷沈大行雲中書壁

昨夜樓桑道蘭皋月共看
今來官閣閉轉覺旅情
難把酒聽山鳥題詩品藥
欄懷君在前路雲影已
微漫

海日堂集

詩之三
二十一

五言律

禹城縣

禹城一百里十里可人居
門巷晝還閉田原春未
鋤荒煙惟過鳥落日且
停車近有絃歌宰何方
慰井間

萌山亭

在嘉祥縣卽
子游爲宰處

往哲絃歌地征軺得暫過
城連山色古秋入雁聲
多敗碣施蘿翳虛堂蔭
菱荷晚來疏雨歇幽賞
欲如何

再和范文貞公壁間韻

征夫戒于役徒御苦難停落日止空舍秋山羅翠
屏雲隨虛幌入人坐暮煙青此際憺無與狂歌倒
綠醺

西狩獲麟處

魯公于狩處神物此相尋出沒占天意禳祥感聖
心山河餘戰伐日月幾銷沈悵望西原草荒荒自
古今

祇謁闕里廟

弱齡承聖德此日拜宮牆檜柏煙霞古丹青日月
海日堂集

詩之三
二十二

五言律

光周彝遙在御漢碣儼成行世澤同洙水悠悠繞
殿長

緬昔周環日栖栖轍未休所傷同兕虎言志在春
秋正樂終還魯鳴琴遂息鄴行藏無不可肯與逸
民儔

夫子手植檜

六經皆手澤豈獨樹畱遺是物栝棧似漢人梁木
悲歷年持浩劫應運發華滋遠契興亡理何非帝

者師

聖林

兩楹歸夢後封樹表遐靈洙水千年碧防山萬木

青鳴禽知避穴

林無荆棘鳥不巢處聖蹟然也

警蹕見遺亭

漢高奉祠

時有駐蹕亭尚在

拜手松門下何由薦德馨

復聖廟

再拜顏夫子長依闕里前大儒終不泯遺廟迄今

傳道氣迴洙泗清風穆几筵垣楹榛艸合如見樂

貧年

張扶九侍御自奉高巡巖至泛舟蓮池

海日堂集

詩之三二十三

五言律

我暫檐帷駐君來馳馬嘶雲從青嶽下星泛碧槎

低裕國卑桑孔觀風變魯齊便攜簫管去鼓棹過

前溪

衍聖公輔垣招同部凌玉章含可再泛蓮池

上公休沐暇載酒客同遊玉椀蘭漿出金塘桂櫂

浮月明歌舞夕花發水天秋醉罷迴橈去嚴更報

幾籌

長清道中望靈巖寺

聞道方山裏靈巖寺最幽拂雲雙樹見來鶴一泉

流來鶴亭俯朗公石峰迴白帝秋無由採絕勝立
馬此遲留

曉發

旭日行秋旬明霞豔旅衣野花含露出宿鳥傍人
飛望闕心彌切寧親願不違時家大人回看青兗

路雲樹已熹微

潞河九日作時攜家北上陰風號怒回首舊

游悵然成咏

今日重陽節蒼茫水國東人烟寒渚外秋色亂流

海日堂集

詩之三
二十四

五言律

中薄宦安鷄鶩浮家逐雁鴻雖無羈旅恨亦自感

飄蓬

已失登高興猶稽放櫂行回風收短纜急雨阻前
旌月黑驚山鬼天荒覓戍營陶公當此日憂患一
家輕

往昔燕臺下椒邱與客登傳觴方歇馬倚杖更穿
藤詞賦追梁苑風烟望漢陵今宵對萸菊惆悵欲

誰勝

三月晦夜

壬寅

九十春今盡蕭條逆旅過人烟寒大陸山雨急長
河歲月悲歌換鶯花涕淚多思親同潞水東逝不
迴波

聊城晤方樓岡學士因談往事有感

長日縈歸路清川動旅愁豈知微子國得御李膺
舟捲幔江雲入開尊暮雨畱殷勤話疇昔感泣向

西州

學士同出武
陵夫子之門

舟夜

日落墟烟渺天長水驛荒孤燈問前路雙槳劃微
海日堂集

詩之三
二十五

五言律

茫河漢先秋淡江風徹夜狂銜哀心緒亂況復滯
他鄉

答樓岡次韻

獨鶴返遼東終朝客路逢蒼波同去住苴履劇過
從羹菜思吳會雲山閱魯封還將千古意來對一
尊濃

歷歷青徐地山川幾戰爭浮雲真不定吾道欲何
成事許從頭說心難泣血明西州同一哭感激爲

君情

胡道南侍御北還風駛不得相晤寄懷

騶馭終朝待雲帆
觀面過同心乖贈問歧路失蹉跎
細雨彭城岸秋風瓠子河
相思各南北延望一高歌

夏鎮訪李省微工部不值訊之以詩

山川辭上竟道路入南徐
正有故人意偏違使者車
臨河憐獨雁走馬寄雙魚
佇立津亭久風前嘆索居

迦溝洲樓岡曉發見懷之作

海日堂集

詩之三
二十六

五言律

白舫凌朝發蒼烟入望平
魯山猶靄鬱淮水未分明
草色沒雲際漁歌通榜聲
殷勤謝元禮好句慰晨征

遊廬山開先寺

是時禮語風老人法像龍潭七佛樓雙劍峯皆寺中諸勝

乍入開先寺雲林到眼清
苑深如鹿隱潭古有龍鳴
七佛樓陰直雙峰劍氣橫
前賢重仰止端擬學無生

贈石濤大師

惠遠千年後今還有石濤
堂開青澗迴山逼錦屏

高梵雨來三笑風塵感一毛何時同挂杖相與樂
林泉

從棲賢橋望獅子峯卽送獅聲上人還山

向晚棲賢路來瞻獅子峯霞明金鑿落烟渲玉芙蓉
蓉師去此爲宅我歸何所從止餘塵外想長望碧
雲封

相逢從白下相送在東林江上浮雲意山中明月
心勞生悲去住清夢結烟岑後夜南洲棹人天隔
水深

海日堂集

詩之三
二十七

五言律

同朱竹菴夜坐

居憂常杜戶無事亦關心寂寞憐同調殷勤過故
林清燈寒不厭高語坐來深忽見風前樹蕭然傷
素襟

聞箏

空齋感遙夜况復聞秦箏掩抑盧家婦低迴樓上
情繁絃動春思急響含秋聲曲罷起長嘆關山方
月明

聞張青瑤舍人奉詔入粵

忽有故人信天書下漢庭幾時辭鳳闕何日到羊
城白舫乘潮望青絲秣馬迎茅堂春酒熟應盡別
離情

青門昔相送揮涕攬君衣萬里書難至經年夢不
違水淡春浪闊山遠暮雲飛莫遣終朝待搖搖心
曲微

飲紀載之少參水樓

水郭開芳宴津樓對晚晴樹深微雨過風細野花
生隔浦浮春氣當筵落雁聲不辭歸騎暮燈火待
海日堂集

詩之三
二十八

五言律

巖城

村歸白水以詩見訊次韻奉答

崇巖秀春木春氣盈江關此際雨方歇悠然移棹
還道人問幽獨詩卷開心顏讀罷一延佇松風生
樹間

佛日海幢寺呈阿字首座

選日臨珠浦尋師到石堂幢標天漢迴門接海雲
蒼水荇聞香細棚花受蔭涼此中離垢地真欲禮

十年辭粟里今日訪雲林遂得同人樂翻慚靜者
心露葵分午食山磬落潮音便擬塵纓解從師撥
草深

鹿苑多靈異凡花總不同蘭開鷹爪綠丹結馬纓
紅怪石松根護方塘蜃氣通還聞有馴鶴放食伴
支公

送王抑之副使之柳州

十年閒節鉞高臥尉佗城近接談經所時深載酒
情如何秋水至忽共釣船行相送河洲晚蒼茫別

海日堂集

詩之三
十九

五言律

思盈

故山餘夢到千里敬亭雲爲客仍天末攜家向嶺
分馬卿非鬻賦王粲豈從軍所志在山水寧辭鷗
鷺羣

薜衣難竝著苴履亦同憐宿艸疑無地征蓬又一
天霜華增涕淚秋夢各風烟况近茱萸節含觴益
惘然

邱曙戒北還候送不得枉札爲別卻報以詩

聞君發南浦我待福山陰有約不能至遲迴直到

今封書畱恨字刻燭寄長吟寂寞河邊水空慚往
日心

端州同族子伯衡再游七星巖宿暢公蘭若
昨日層崖上捫蘿興有餘復從南阮約言訪惠休
居竹砌掛青嶂松窗受碧虛陶然清磬外真與俗
情疏

已是幽栖宅還兼山水靈霽湖平晚綠絕壁削空
青猿鳥隨高下烟花各杳冥夜深人說法應有鬼
神聽

海日堂集

詩之三
三十

五言律

胥江夜泊

昨夜西南驛親朋尙一歡別離無百里惆悵已千
端野闊江雲溼沙深埃火寒情知霜露惡敢怨路
行難

江漲與曾蘭樵何不偕陶苦子同賦

凌江幾日雨並作一河流燕鵲衝巢失魚龍拔岸
浮路迴行木杪山湧聽猿愁靜察升沈理爲君減
百憂

客路今揚子江光異見聞水兼彭蠡闢山與郢黃
分風起魚吹沫天空雁赴羣人家烟渚外漁網白
紛紛

彭澤將訪秦覲文先有此寄

此去龍城驛停橈覓所知三年花滿縣九月菊成
籬水閣高賢宅山亭聖母祠蛾眉洲上月欵欵話
相思

懷鄭無傲園亭

卜築村墟日名園得屢過小池流水靜芳榭引風

海日堂集

詩之三
三十一

五言律

和選石爲邱壑畱雲在薜蘿四時花滿眼相與發
酣歌

自我移征棹羣公肆祖筵張燈垂柳外投轄落花
邊小別繁霜降沈憂客路綿今宵望雲樹秋水遠
連天

自鍾吾驛至魯橋作

百里淮徐路崎嶇半月行避風兼候閘阻雨更逢
兵未暇開書卷忘憂事酒旣不知秋氣早遙聽暮
砧聲

謝李霖瞻星來惠薪米

道路浮家日艱虞旅食年弟兄逢舊雨芻粟起新
烟范甑塵何有阮囊空可憐囚君慨疇昔如見古
人賢

衛水窮陰合齊山大地乾一官寒未補八口客誠
難雪逼溶溶下年將冉冉殘故人相慰意中路且
爲安

見雪和傅刻爲

三年重見汝相對一街孟颯沓憐庭樹飄蕭憶嶺
海日堂集

詩之三
三十二

五言律

梅道途吾已慣懷抱且須開感念同遊子清吟日
幾迴

馮巨子枉過遲家正夫不至

繁霜雜積雪寒色連郊畿門巷枉來轍兒童欣款
扉文楸觀變化語掾契清微何事同懷子迢迢車
馬違

愛妾換馬

逐電來秦棧爲雲去楚臺那堪將鳳侶聊以博龍
媒苜蓿乘秋壯琵琶度曲哀一時恩怨別兩地各

徘徊

送葉翁初徐原一歸吳

天地已云閉，驅車安所從。
言尋故山鱸，同別禁門鐘。
臘酒行方熟，春花歸漸濃。
不愁風雪苦，計日到吳淞。

送許鐵堂赴安定令

五月青門道，薰風動馬蹄。
送君辭冀北，作令向關西。
舊俗安耕耨，典朝靜鼓鼙。
好持循吏傳，勉與古人齊。

海日堂集

詩之三
三十三

五言律

從來形勝地，西北是秦州。
山湧羌雲出，天迴漢水流。
詞人沿代見，遺跡至今留。
到日褰帷望，還堪紀壯遊。

君才元浩蕩，著作擬西京。
此日分符地，知成宰政名。
彈琴玉枕石，歸馬木門城。
聽訟多休暇，題詩寄北平。

送彭正園守兗州

太守駕熊軒，清晨出國門。
薰風揚絳節，晴日麗朱旛。
魯殿靈光在，尼山禮樂存。
知君懷古澤，教化若

爲敦

七夕和姜鐵夫鄉感

忽見星橋合京華又一秋自然驚旅夢無意得鄉
愁寂寞夜何永蕭條雨未休老妻將穉女耿耿憶
針樓

去歲逢茲夕滇陽渡晚春水光浮菡萏秋色擘芙

蓉

韶州山名

河漢當廳落羊求載酒從別離今不見迢

遞數千峰

故里昇平日茲宵景最妍市催珠絡鼓人上木蘭

海日堂集

詩之三
三十四

五言律

船燈火花爲樹魚龍夜不眠一從經板蕩寥落任

江烟

我夢羊城好君猶作會吟

鐵夫會稽人謝靈運有會吟行

同懷鄉

井戀各負歲時心拙宦寡顏色薄遊成滯淫最憐

今夕酒蕭瑟聽寒砧

送唐白生歸桂林

祿食不得志送君歸故園涼颼振天末獨往問寒
原道路日以遠風塵誰具存舉盃念疇昔繫馬欲

何言

已近重陽節離歌萬里聽黃花中路酒衰柳斷腸
亭砧杵淒吳苑烟波下洞庭疏麻如可折爲我寄
芳馨

題合肥龔大司寇祝冊 十二首存七

憲府綱維地威名十載聞 至尊能念舊獨坐又
需君氣肅螭頭上風清豸角羣只今臺下柏霜落
尙紛紛

昔來從建業艤棹石頭城名士搴芳集都人載酒
迎吹笙流水緩捲幔夕陽明卻望中山第深懷六

海日堂集

詩之三
三十五

五言律

代情

博望乘槎日探梅過嶺南青牛當路見丹鳳有書
銜海日明征蓋春星照夜談別時今不忘河上柳
穆穆

更挾東山屐還過西子湖輕烟浮綵鷁高柳聽啼
烏筆墨畱登眺山川入畫圖六橋觴咏在人憶白
公無

海內論宗匠如公實所尊幾人天下士不在鄭公
門屢滿渾忘倦蹊成總不言諸生牢落久慚愧十

年恩

高齋存石友三十二芙蓉不辨嵩衡上烟霞第幾
峰削成天外翠來對古人蹤日夕延清賞微吟興
自濃

公有硯山爲米南宮舊物
因名齋曰三十二芙蓉

歲歲重陽節高邱此地登凌風兼藉草置酒或招
僧南國三千巽西山十四陵到時經一壘幽思若

爲勝

右龍爪槐在京師宣武城南最高
處公每歲九日與同人吟眺其地

輓李沓菴

哭爾不成淚悲來聊苦吟親朋皆下拜芻束強爲

海日堂集

詩之三
三十六

五言律

心少壯才難盡雲霄願已沈百年渾底事愁絕爲
知音

三仕爲郎日居貧五六年但賒鄰甕酒豈有水衡
錢會計身何補戴虞道益堅今餘妻子累身後典
遺編

芻靈朝暮去南望楚天愁鶴表迷荒樹猿聲入夜
舟倚門堪一慟藏壑與誰謀自此音儀絕遙遙湘
水流

送朱廉齋之南雄幕

故里庾關上丹梯翠萬重梅仍開漢世松欲傲秦
封名士行春去都人載酒從何能逐征蓋隱約到
諸峰

迴香亭看荷花同蔣虎臣綦松友李湘北楊

鄂州張素存錢葆飭葉蒼巖作

選勝出郊桐花開水面亭微涼薄高樹急雨灑迴
汀跼跼鳧鷺白田田荇藻青夕陽騎馬去相與折
芳馨

輓馬甸臣侍讀

海日堂集

詩之三
三十七

五言律

處世亦大夢斯人竟不醒六年官禁近一夕委重
冥載筆有遺蹟當筵誰薦馨可憐吹鐵笛比戶不
堪聽

經年聞絕粒疑傍赤松遊烟火人間世文章天上
樓官貧惟自愛道在復何求今夕西清月爲君起
片愁

送朱監師之粵

梅銷山下路與爾共江天朔雪三千里離亭十五
年追歡會幾度惜別又潸然去憶經行地相思獨

扣舷

送楊允升令常山

三衢姑蔑地水郭帶山扉玉洞有龍起金溪聞鶴
飛六賢遺蹟在百里訟人稀聽政多休暇扶筇入
翠微

送關鷺公令嘉善

見說嘉禾郡襟江復帶湖魚鹽豐澤國衣履盛文
儒水引吳川練橋還合浦珠頻年憂賦稅膏雨待
平蕪

海日堂集

詩之三
三十八

五言律

送家立菴學士冊封安南

自昔南交郡蠻烟萬里餘地經羲叔宅人習素王
書秬鬯分藩舊苴茅賜命初須令知漢大不是問
金車

此地論征戰中朝幾變更遙聞伏波將始拔大羅
城句嶺花迎劍蘇江雨洗兵千秋銅柱在高與海
雲平

今日封章去綬柔倚大臣詔銜天子眷賚獻遠

人珍風俗收氓醢謳謳歌攬象馴歸來宣室對太史

有詩陳

寄姚六康姻丈石垞

昨有尋君夢飄飄赴九華聞鐘過谷口倚杖到田
家似識神君樂何知別路賒遲迴不終夕獨是隔
天涯

松柏遠寒歲悠然悲兔絲別離無不可肝膈少人
知負性吾孤往策名君及時所希崇令德相望答
相思

送陳綠厓分憲揚州

海日堂集

詩之三
三十九

五言律

上苑正鶯啼胡然征馬嘶離情在燕市春色向隋
隄邢水千年碧江花二月齊知君行部好一爲記
分攜

同人俱落落先後出長安每有晨星感誰憐霜雪
殘珠官臨合浦楚客問湘蘭

謂李劬菴廉州
鄧偶樵常德

又送

南中去青門駐馬看

出郭偶興

春柳碧參差春過人不知偶然出平楚延望獨經
時山繞蘿蔥色花明窈窕姿便應挈朋好沽酒聽

黃鸝

聽沈釋堂談西山之勝便約鍾青巖同游

隱侯有幽趣獨往事烟岑不極寰中賞安知塵外
心濯纓臨玉砌聞磬過珠林此意鍾期解青鞋結
興深

皇姑寺

寂寂黃村內琳宮宇保明翠巖堪不殊赤膽得無
生法像垂金乳交窗曼珞纓祇憐當日事辛苦見

題名

海日堂集

詩之三
四十一

五言律

石景山

石景鬱嵯峨千巖削劣過日中餘霧氣樹裏見渾
河蘚綠殘碑出燈青古佛多上方笙磬晚乘輿下
雲蘿

香山寺

舊名
甘露

昏黑尋甘露依稀度石梁不知山有色惟覺艸生
香殿角栖鴉定泉聲遶戶涼老僧能揖客煮茗對
質簞

洪光寺

寺裏重過寺山巔更上山緣厓拾柏子抗手入雲
關殿擬殊方麗寺有圓殿四圍皆鏤梵相飾以金
緋相傳高常侍使朝鮮時倣其式
以歸
云 花飛漢代班寮頭清盥罷相與灌畦還

碧雲寺

碧雲不見雲丹漆故紛紛貝闕金繩鎖珠泉玉螭
分池魚清出沫山鳥暮成羣如此蓮花界空存石

榔文

寺後多中官塚
魏忠賢與焉

送李武曾遊秦

秦山望不極岷嶂俯中原昔是帝王宅今猶貔虎

海日堂集

詩之三
四十一

五言律

屯二陵長雨雪太華自朝昏到日捫蘿上投詩玉

女盆

以余邱壑癖蜷局在京華看爾騎黃鶴臨風餐紫
霞枕流中渭水沾酒杜陵花肯逐少年子同車過
狹邪

腰痛

已分休文瘦誰憐靖節貧常時憂罄折此日倍艱
辛止痛惟須酒偷安且避人北窗微雨歇殘帙卧
相親

爲項犀水參政題倦鳥亭冊子繹堂阮亭同
作

豈有垂天翼而爲繞樹栖閒情寄林壑幽築傍雲
谿蟹舍宜江北漁菴卽灑西好從猿鶴侶安穩謝
輪蹄

苔砌當軒碧花茵覆地紅烏啼溪樹裏人坐晚晴
中倚杖看農事臨淵想釣筒自今幽興足不必羨
愚公

九日劉公猷司勳招同諸公採菊城南余以

海日堂集

詩之三
四十二

五言律

病不克赴次董玉虬侍御家翼蒼太史韻
奉呈諸公

不遠豐臺路南村秔稻邊人家三畝闢花事九秋
偏勝會高朋得空齋病眼懸無因拾香草相望意
悠然

往昔南岡上芳尊倚夕陽魚鬢分坐軟龍爪攫衣

香

向年九日數從芝麓
先生登高龍爪槐下

歲月頻遷次關河益渺茫

今宵非覽疾歸夢亦江鄉

送沈繹堂副使之通蘇

休文多病後弭節出青門藥餌兼書卷驪駒暫酒
尊郵籤無百里樓櫓有千村勝事雄三輔離憂未
敢言

頻年京國裏旅食共蹉跎失路知余少交情愧汝
多別離何遠近去住總悲歌東望潞河水搖搖無
定波

花朝龔大司馬招同王思齡吳玉隨劉公猷

梁曰緝董玉虬汪荅文王貽上李湘北陳

子端米紫來家翼蒼遊宴城南奉次龔公

海日堂集

詩之三
四十三

五言律

韻

謝傅登臨日亭臺一徑斜青天初過雁紅藥漸開
花藉草當羣岫張筵就淺沙懸知絲竹興隨處得
春華

歲歲流鶯囀鄉心寄白蘋如何今夕酒猶是隔年
春象板調歌扇金鑿艷舞人不因良宴會南陌易
傷神

送彭崱玉潘亞目麥盛際林叔吾鄺詞徽還

粵兼寄王震生陳喬生鄺無傲梁藥亭陳

元孝陶苦子諸同社

君來誠不意君去轉難任聚散同飛鳥連翩返故
林楊花燕市酒燈火越人吟後夜成追憶迢迢烟
水深

遙聞白社客倚和梅花村大雅今陵替羣材日放
奔新聲辭北里遺響續南園不墜風流緒君歸細

討論

遙題尹瀾柱東湖

憶汝東山卧東湖激灩開一家臨水鏡終日對樓

海日堂集

詩之三
四十四

五言律

臺風暖桃花發天清鴻雁來時應采菱去明月棹

歌廻

書張伯明先生忠烈詩卷後 有序

先生諱國勳字伯明湖廣黃陂人也明崇禎丙子官應城司訓本年十月流寇圍應城頭具衣冠北向拜還守鎮宮賊闖入將焚鎮官先生厲聲罵賊抱先師木主哭之勳忽反風滅火廟上殷殷若雷聲賊執先生斷其左脇罵益烈賊支解之舉合室投巨箠中十二月初十日也時先生子文學世祐年方十五逃出走蒲陽過雲夢澤截左指血書告城隍夜夢黃冠神曰遊子不須頻問信堤楊烟柳送春多遂孤身詣闕陳請愍帝嘉之贈將仕郎國子監學正友

人楊子鄂州爲錄其事以傳子惟司訓秩甚卑無守土責當賊薄城下先生可去而以死守守卒死又甚烈視同時大將或降或遁何霄壤也書此以志憑弔兼示令子公望

云爾

千古睢陽烈悠悠復應城斯文慙後死吾道見先生俎豆爲軍旅旂常足姓名至今餘浩氣日夜遶

南荆

盜賊悲前代驅除豈異人將軍無衛霍博士有君臣報國心何苦承師道更屯所欽還令子涕泣上楓宸

海日堂集

詩之三
四十五

五言律

鄖襄祠廟在江漢表遐靈類水波同碧松門草自青哀歌憐楚些遺恨乞秦庭異代崇風烈何由薦德馨

贈李天生

駟鐵秦聲壯千秋紀國風婦人皆慕義嬾子亦從公爾續龍門史兼修白虎通明朝溝水別碣石有飛鴻

送屈翁山歸里

天涯頻念汝相見喜成悲老大餘詩卷飄零有鬢

絲寒蠶吟砌夕秋水灌河時寂寞宜尊酒何因賦
別離

共是南來雁先秋爾獨歸未能辭道路且復惜毛
衣將母賡華黍還山事蕨薇於陵陳仲子負未有
光輝

及汝爲同學迢迢二十年別離虛少壯喪亂飽風
烟羽翼誰相假行藏各自憐曰歸將改歲蘭芷思
悠然

爾挾飛僊侶常爲海岳游烟霞憑杖屨吳越紀春
海日堂集

詩之二
四十六

五言律

秋已涉黃河帶還瞻太華旒何如共妻子採藥返

浮邱

浮邱在羊
城之西

來從廣武塞去憶尉佗城聚散感遙夜行藏慎此
生負書徒獨往懷璧竟何成共坐聞烏鵲南飛心
易驚

兩月長安道交游興未孤詞華方庾鮑世態任蕭
朱酌酒永今夕攬衣行載途滿城風雨急不肯駐
驢駒

直廬望西山

禁林欣少事，寓直午能閒。
隱几開東閣，當門見遠山。
千峰橫黛色，萬木出雲間。
憶昔尋僧去，曾驂一鶴還。

送譚左羽游山東次畱別韻

天門祠太乙，滄海總朝宗。
處處聞流水，山山有暮鐘。
空青圍九點，積翠杳千重。
秋日秋烟裏，題詩過幾峰。

龔大司馬招同公祇曰緝茗文貽上湘北諸

子餞送董玉虬之秦州用少陵韻分賦

海日堂集

詩之三
四十七

五言律

天馬行秦甸，蛾眉出漢宮。
離筵人是昔，別路草連空。
醉落吳鉤月，涼吹羌笛風。
園林正蕭瑟，溝水復西東。

慷慨櫻鱗日，從容下殿時。
已無一路哭，豈有五噫悲。
出塞歌偏壯，防秋去莫遲。
隴頭多古跡，吾意欲從之。

九日龔大司馬招同諸子遊城南病不克赴

奉和東籬南山四韻

九日南岡上，招攜有謝公。
登臺見秋色，酌酒來清

風君子興何遠羈人愁未窮還聞有歸雁飛向嶺
雲東

太息楓林晚芳尊當此時徒慚長卿渴空負尙書
期閉戶縱遙想卧遊還故籬依稀見松菊采折莫
教遲

不見金臺柳依依似漢南秋風吹幾度衰謝不能
堪縱飲休辭醉徵歌好劇談病夫飛動意中夜想
維驂

送紀載之備兵肅州

海日堂集

詩之三
四十八

五言律

萬古焉支路迢迢欲上天送君持漢節吹角去防
邊問俗清西海題詩賚酒泉羌戎羣下拜不敢向
居延

元日 御前金龜

靈心從雒水垂象叶羲文自以金甌質來參玉鼎
羣圖開光鑿落春入氣細縕願比千秋鏡年年奉
聖君

送賈孚遠之楚

江樹換新綠江風行始波波光正無際遷客去如

何失路逢漁父銜杯發棹歌誰言湘水闊不及旅
愁多

懷小金山舊館

故里靈洲寺迢迢峙海門一山常作雨衆木靜當
軒天下幾人到蘇公片石存別離三十載餘夢繞
江村

當年鞞鼓後海角戰雲侵是地猶存古孤峰直到
今舊逢僧半沒初種樹成林念此不歸去徒懷鐘
磬音

海日堂集

詩之三
四十九

五言律

題李武曾灌園圖

學圃爲將母攜鋤復帶經一溪春水綠十畝菜畦
青世事澹無與此心常獨醒時應桔槔罷山月照
柴扃

蓬徑依山僻蕙闌樂志多奚難致榮祿不敢負巖
阿室有埧箎奏門無車馬過故人沮溺意相望隔
烟蘿

得陳元孝書

方春感離索初雁遙相過忽有故人信其如遠道

何開械見顏色歸夢隔烟蘿一夕梅花發爲君奏
短歌

元孝偕諸同里舉先大夫祠鄉賢志感

聞君有高義祠廟及先人以爾緇衣好榮同華袞
新詠歌生涕淚俎豆起荆榛聖域應無忝空慙繼
述身

哭項犀水副使

已矣復何道斯人不再延身名虛落日詞賦散飛
烟擬續招魂賦難歌憶昔篇九原如可作爲我一

海日堂集

詩之三
五十

五言律

澹然

昨夜西堂夢相逢儼昔時席邊猶藥裏鏡裏得鬢

眉語泣茅容母心懷伯道兒臨歧吾有贈何以慰

吾悲

已酉二月廿七夜夢與犀水接
談甚悉臨別授予異書一卷

尙憶論交日長安歲屢更河亭宵駐馬草閣晝飛

觥頗謝朱輪熱時看錦字明重來能幾日夙別恨

沾纓

還聞遺命在瀟灑事空桑捨宅爲僧院安身傍法

王夙因成白業有覺是黃梁

犀水將易簣忽躍
起日子今醒矣此

日諸天上知聞般若香

追贈張梅岑處士

不謂乾坤內清標更此人心無圭組累筆有性情
真石髮宜高枕蘿衣穩稱身陶然遊太古何異葛
天民

灤水幽閒地麗公久結廬種松三徑老映水一簾
疏勝日孰名飲匡床讀道書只今騎鶴去應自上
清虛

佛日過夕照寺爲京師育嬰處

海日堂集

詩之三
五十一

五言律

浴蘭當令序蹋草過香林勝地風旛古慈因乳海
深廣生宏帝力扶幼見天心何意人間世而聞空
外音

送史曉瞻先生致政歸溧陽

夫子駕輕軒飄然出國門微涼動秋樹殘雨下江
村北海非吾土東山是主恩升沈應莫問行樂

到邱園

時先生新補萊州兵
備輒罷北海卽萊郡

軒冕亦區區浮蹤非永圖投金家有瀨繫馬我無
芻雲卧尋丹壑鸞栖返碧梧懸知長蕩水鷗鳥悅

相呼

送錢葆勳歸省

昔聞張翰思正值秋風時鱸膾豈洵美江鄉良有
期循陔掇華跗介酒盈金卮樂矣人間世西清徒
爾爲

訪施匪莪却贈

插架滿牙籤攤書晝下簾古人皆可役我法獨教
嚴匪莪多
集唐詩晒藥扶詩骨娛賓覓酒帘更懷高隱躡

壁上對陶潛

海日堂集

詩之三
五十二

五言律

九日同沈康臣朱錫鬯李武曾汪蛟門申菽
旆高二鮑顧仲書集刺梅園松下送譚舟
石之官延安

雁來
曾聞宋公日送客亦登臺緩轍心同耿鳴葭首重
回寧將今夕酒不及古人杯十月寒山遠西秦無
雁來

君才元不世與我共西清每奏揆天賦多慚擲地
聲青綾秋共被紅藥晚同行無限低徊意俱從馬

首生

一官無不可遠近總君恩詎厭承明直須知上
郡尊山河雄萬疊虎豹衛千屯聞道諸番長茶時
百欸門

昔年東勝戍遠隔大河陰百戰經神木三軍壓古
林紅山雲出塞黑水月連岑去作邊城守休忘寵
遇深

再次蛟門韻

帶郭一園開佳辰結駟來烟霞藏洞壑風日淨松
梅似得商飈館何須戲馬臺魚鬢寬藉草適意好
海日堂集

詩之三
五十三

五言律

銜盃

灰抱登臨興天隅歲序疏良朋茲款款征馬且徐
徐把酒親山鳥呼童拾圃蔬京華那有此不樂復
何如

蔣虎臣修撰移疾南歸未能出祖枉札畱別

作此奉寄

雪中人竟去書至愴離顏衰柳不能折征車何處
攀北來風獵獵東望水潺潺咫尺成相憶蕭然空

閉關

匹馬何爲者飄飄去似飛情知歸與疾忍與故交
違松柏苦寒歲田園方墜屣同心況離索淚下沾
人衣

寄石門姪滇南

歲晏苦離居蠻荒萬里餘南雲空悵望北闕總踟
躇幕府功名薄神霄志願虛寥寥天地外只寄數
行書

雪中喜錫鬯武曾同過

積素滿庭尸天涯復此時晝閒人吏散廚靜爨烟
海日堂集

詩之三
五十四

五言律

遲撥火寒呼酒推枰晚論詩聊供清嘯樂不負歲
寒期

遙送祁珊洲歸省

傳聞蒼水使遠別大河陰桂楫陵春色萊衣返舊
林懸知投檄意欲慰倚門心却望長安道離人思
不禁

宋荔裳招同王襄璞許青嶼曹顧菴施愚山

沈繹堂王西樵王阮亭陳說巖雨中集王

氏園亭限韻作

風蕭雨冥冥秋牕不可聽主人能愛客斗酒自忘
形堦下蘚微綠城頭山半青期君正西爽攜策入
巖扃

時約爲西山
海澱之游

舊雨連今雨林香間酒香良宵不共醉高會復何
常木葉已微脫朔風生早涼明朝見葭露應賦水
中央

答正夫兄見寄次韻

池塘無夢到相望日陵州忽復聞來雁深憑送早
秋新詩追庾鮑高會接袁劉蘭沼商風起令人感
海日堂集

詩之三
五十五

五言律

昔游

送旨穀梁歸雒兼寄辟疆

三年同旅食觸緒得情親亦自忘朝暮何曾辨主
賓歡偕如意舞愁共兩眉顰今日臨歧路誰能不
愴神

爾本烏衣客辛勤負劍來逢辰嗟不易食鼎事全
猜姓字登蘭殿詩書困草萊行藏俱努力歸思且
悠哉

聞道東皋下園亭接射湖鶯花猶似昔賓從未全

孤命酒燒紅燭稱詩采絳趺一堂森四世行樂在

三五 辟疆別業
曰小三五

喬石林宅集同青嶼荔裳顧菴愚山釋堂西

樵阮亭鐵夫陶季康臣蛟門頌嘉分得家

谿二字

屋角日初斜相過菊正花華堂淨琴瑟秋意薄雲

霞流目書千卷長歌天一涯陶然醒復醉歸路莫

辭賒

何必尋丹壑秋風引杖藜良辰挈朋好勝事卽雲

海日堂集

詩之三
五十六

五言律

谿美酒飲無算明河看漸低只愁車馬散容易惜

分攜

送家崑崙刺耀州

漢家馮翊郡祿祔是巖城臺有鳳凰跡山多鸛鵲

聲華原供露寗姚殿記題名還似江南北風流政

早成

崑崙曾佐潤
州皖口二郡

宋荔裳招同王西樵阮亭陳說巖張素存謝

方山集梁園送姜鐵夫還會稽

落日池亭上居然水國中烟霏浮晚翠霜葉捲殘

紅命酒觥籌密論詩壁壘雄如何有離別一棹五
湖東

客本竹溪侶歸探禹穴文襟情在巖壑來往任烟
雲喜逐冥鴻舉嗟爲落葉分園林盡蕭瑟一倍惜
離羣

紫竹林訪妙明禪師不值宿方丈有懷

白門雖信宿不憚竹林遙倚杖隨秋草尋師過石
橋庭空無怖鶴樹古有承蜩坐待松烟晚鐘聲起

暮潮

海日堂集

詩之三
五十七

五言律

臨東



